

Zeitschrift: Il glogn : calender dil pievel : annalas per historia, litteratura e cultura romontscha
Band: 20 (1946)
Artikel: [Poesias]
Autor: Camathias, Flurin
DOI: <https://doi.org/10.5169/seals-881448>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 07.10.2024

ETH-Bibliothek Zürich, E-Periodica, <https://www.e-periodica.ch>

La Foppa

*Tiarms massivs entuorn la Foppa:
Péx Signina e Mundaun,
Crap de Flem e gronda troppa
Tschemas aultas dad in maun
Tschinclan, ferman la contrada,
Mo dal Rein vegl damognada.*

*Foppa lada, cultivada,
In curtgin dadora Glion,
Da nos vegls eis ault stimada,
Cheu tschentada sco in vonn,
Empleniis cun graun de vaglia,
Che dat poss' a mattatschaglia.*

*Sin las spundas suleglivas,
Praus ed èrs entuorn bials vitgs,
Casas lenn cun cauldas stivas,
Sper clavaus flurents suitgs:
Foppa biala, carezada,
Eis a nus la patria dada!*

Sur Flurin Camathias

Mia patria

*Sch' jeu mirel giu dal cuolms sin tei,
O Foppa patria mia,
E sentel tratsch patern sut mei,
Jeu vegnel en legria:
O tratsch alpin, sulom schi car,
Da cor scadin sto tei ludar!*

*Profundas numerusas vals
E pézzas surglatschadas
Tiel Rein termettan lur uals
Sin cuorsas e cascadas.*

*Cheu fan vischnaunca e cumin
En libertad artada
Ils umens digl itschies alpin
En roscha e raspada.
O tratsch alpin, sulom schi car,
Da cor scadin sto tei ludar.*

Sur Flurin Camathias

A miu liug nativ

*En tiaras jastras viagiaus,
A casa tuornel stunclentaus;
Speronza hai jeu ded anflar
Ventira e bien ruassar.*

*Bein bialas tiaras hai jeu viu,
Mo selegrar hai mai saviu
Sco en la patria sper il Rein
Cheu sut quei tschiel biblau, serein.*

*Encunter casa cun led pass
Caminel sco tier fiastas mass,
Salidel gia quels aults alpins,
Ils cuolms dil matg, praus e curtgins.*

*Miu liug nativ, jeu anflel tei,
Eis cars a mi, o pren si mei!
Pertgiri tei nies Segner car
En buna pasch e ver beinstar!*

Sur Flurin Camathias